

榮河縣志

趙書麟題



卷十七

傳三 孝義

卷十八

傳四 列女上

卷十九

傳五 列女下

榮河縣志卷十七

傳三

孝義

隋

皇甫遐字永賢累世寒微鄉里稱其和睦遐性純至父早喪事母以孝聞後遭母喪廬於墓側負土爲墳復於墓南作一禪窟陰雨則穿窟晴霽則營墓數年墳高數丈周五十餘步遐食粥枕塊櫛風沐雨形容枯悴家人不識當其營墓時有鳴鳥各一徘徊悲鳴不離墓側若助遐者經月餘日乃去遠近聞其至孝競

以米麵遺之遐皆受而不食悉以營佛齋焉郡縣表上其狀有
詔旌異之

明

聶邦憲嘉靖間人父漢元娶郝氏生邦憲繼娶樊氏生明憲明州
明院母家窘甚樊氏竊夫金三百以遺之漢索之弗得怒幽樊
別室弗令食邦憲謀于三弟曰舅家之銀不可得將奈母何共
合湊銀以出吾母三弟弗能從也乃搜私囊及借貸得銀二百
八十金呈之父曰此前銀也父乃令母出後憲子孫蕃衍登賢
書者二鄉人以爲孝行之報

成思忠累世潛德守素讀書好義七世同居內無訟言外無物議
一鄉推重稱義讓之門有碑存焉

范胎胎明義士也當崇禎大荒有銀三兩麥一瓦甕人曰你有此
物可以活答曰吾無子女室家活我何用不如盡與兄長活他
一家不至絕嗣遂饑死事見碑記現時杜村范氏五門人丁至
二百餘口殆皆其力也

清

孫希升邑民母賀氏九齡失怙稍長力奉孀慈歲荒採菜以養母
遭寇亂負母潛逃棄妻子不顧母卒廬墓三年居恒拾金還人

掩骨埋齒好善不倦士民公舉旌表己亥督修學宮竭力經理
勞瘁不辭邑侯張公稱其肝胆如雪臨終無病而逝

趙廷藎邑廩生甘貧力學有介操兄有癱疾悉力事之五十年如
一日載通志孝義門

潘衍渭邑庠生甫遊泮父亡渭養繼祖母李氏暨繼母郭氏克盡
孝道有堂叔潘毓魴甫生而孤伊母寡無所托渭與同居凡服
食供奉無不時給稍長延師教之魴雖幼渭事之謹不失猶子
禮族人稱之邑侯匾其閭而表于旌善亭

潘源湛邑廩生朝夕事親承顏順色有養志意父病一晝夜行三

百里求醫治之親有養子雙瞽湛體父母心矜全倍篤數年無
情容里人皆稱其孝

孫天慶年十七母病篤慶痛急無措割股肉烹而奉之母漸瘥事
聞邑侯表之旌善亭

樊鶴算親病割股以進見府志孝友門

丁夢輔善事父母孝養不怠其婦李氏奉事舅姑亦以孝聞姑久
病氏晝夜侍湯藥不少懈人稱夢輔刑于之化云

楊奉時母早亡其繼母荆氏無子臥病念餘年奉時與妻侍養勿
怠初奉時兄已分居矣旣而兄卒奉時念嫂與姪無依復迎之

榮江縣志 卷十一
三
合炊比姪長而爲授室又承父志以父所自致貲分給其父兄弟之子曰是皆吾先人之所撫而長也于是鄉里並高其誼乾隆十八年共言於上官而以孝義旌焉

張國泰邑人勇敢尙義爲北門練總康熙元年九月間有群寇越城入守門者盡爲所傷泰聞趨至橫身當之連發三矢無不應弦倒者賊隨奔庫藏居民獲全泰之力也

王遵章兄弟四人其四弟爲庶出父歿後二兄惡其庶弟遵章獨撫視周至且勸二兄謂四弟亦父遺體也何忍異視後其兄感遵章言亦視弟加篤娶妻師氏極醜拙其兄欲爲之另娶遵章

謂此乃吾命也僭老焉兄弟田宅已分矣其伯兄忽謂己所居不吉遵章卽爲易宅無吝色家素殷親友待以舉火者不一人可謂有士君子之行矣

王自立康熙十二年秋大旱至十三年民多饑自立爲里正出粟濟窮民又代還本里錢糧百餘金皆不索償鄉人德之

潘宗仁生平好施與康熙三十年歲大歉宗仁出積粟以濟鄉鄰賴以存活者甚衆有逋負不能償者宗仁焚其券今爲邑望族人咸以爲積善之報

潘體仁邑庠生事父母孝兄弟四人皆貧終身同爨式好無尤教

授生徒極敦師道成就者甚衆

潘培桐幼時赤貧後以勤儉治家康熙六十年大荒散粟濟人并焚券焉往鄉寧貿易拾遺金百餘兩悉以還人人咸服其義舉薛衍興乾隆七年歲饑出粟周鄉里里人誦德焉

王廷科乾隆十三年歲大歉廷科出積粟二百餘石賑其村人賴以全活者甚衆時其同村王永澤永潤兄弟亦於是年出粟救人人至今咸頌之

張聰家世好義屢捐義倉谷粟其子鄉耆萬昌萬倉亦能承父志歲歉出粟賑其鄉其孫生員璫千摠璨監生琇珩乾隆十三年

二十四年兩歉歲亦皆出粟賑人父子祖孫相繼積善真世德也

潘功政慷慨好施乾隆四十八年河溢入城高數尺許政開樓房爭登者百餘人中有老婦家盡溺死政憐之留養年餘卒歸葬本塋庶母崔氏象姓媳也歸政父時留寡姑失明子幼政體母意給財粟不絕

茹而馥幼孤事孀慈承歡無懈志二十九歲失偶子女各一卽誓不再娶母之縫紉饗飧皆身任其勞人訝之而馥曰恐續絃不諧有拂母意也年近古稀母尙在孺慕如兒時

蔡成芳孝友性成昆弟三人芳居仲母左袒季欲析產芳謂兄曰
愛憐少子人之常情何可稍違母意舉田產器物盡歸之弟尋
與兄同爨鄉人賢之

王敏學邑貢生性樸誠居親喪不飲酒茹葷不入私室課諸生有
學規生徒入邑庠貢成均者四十餘人

周令惠善體親心舅父楊某赤貧子出外失耗母憐之令惠卽體
母意併舅母迎於家贍養八年病卒具衣棺歸葬旋奉母命遠
覓表弟凡三往返始遇於長安城中俱與歸爲之授室復給以
田產器物俾克自立楊族感其德製匾以報令惠曰此吾母志

也我何德焉辭不受

張金福歲貢生孝友素著居父母喪水漿不入口者三日哀毀骨立每逢祀辰至老猶墮淚任靈邱縣教諭課諸生以實學謝贄絕弗計解組歸所餘宦貲悉酌給諸昆季生平潛心學問著有四書要旨行世

盧振遠事親孝母病劇思肉時值禁宰苦無所得因割左股肉以啖病立瘳邑令聞之送匾曰孝本天眞

薛玉珙性友愛昆季三人久析爨季弟玉珽歿於秦姪幼玉珙年已古稀聞之卽束裝奔赴戚友咸止之弗聽會子自外歸令馳

往昇襯旋里所需貲皆自己囊出葬之日哭泣悲哀觀者咸聳聽焉

張煒國學生事親以孝聞父患漏疾延醫不效煒焚香默祝曰苟可以療父病雖刳身肉不敢辭夢中恍惚有人示以用口吮卽瘳醒告父難之煒屢請乃許果立愈人謂至孝通神云

陳緼乾隆時人偶於道傍拾金五十兩徧訪之不得其主後聞係思雅村郭舉才所遺遂送之家舉才喜極欲以半數酬之緼堅辭不受舉才感佩不忘因送不拾遺金匾額以彰其義

季燦國學生事繼母以孝聞母怒不食亦不食後子孫偶拂母意

母亦怡然恐燦不安也母歿水漿不入口者三日

王蘊事親孝父疾衣不解帶者三閱月昆弟閒愛敬和睦終身無閒言喜排解遇鄉里紛爭必使怨怒悉平心乃慊村中涼薄之風爲之一變

張天爵邑貢生幼侍親疾足不踰閭父病篤枕其股於臥榻者月餘父歿哀毀骨立因未卜吉壤寢食靈側三年如一日邑侯陳表其門曰孝友可風

尋梅邑庠生亢爽有節概嘉慶某年邑人以倉谷事聚衆抗訟同學生推梅爲首擬上控梅極陳利害阻衆弗聽因潔身遠避嗣

構訟者株連逮罪人始服其灼見居里黨樸誠剛介不激不隨
排難解紛義行甚多子天乙庠生孫鴻綸已酉舉人能世其家
學

潘時奉慷慨好義嘉慶甲子歲大祲時奉創建祖祠以工代賑全
活甚衆族某貧而有志時奉暗增五十金俾謀生後奉還力辭
人嘉其義

潘源字永川嘉慶九年十年大祲源賑粟百餘石量人散給全活
甚衆見碑記

尋金材字礪亭父景轍卒時遺二子長天材金材居季家徒壁立

餬口不給母聶氏改醮某氏天材赴陝西郿縣爲人傭工金材
方七歲依姊居姊家故窶舅姑性又嚴厲日則督金材拾薪滿
一擔始予飯夜則臥敗堵中一日天雨雪手足殭凍負薪甫入
門聞舅姑詈姊曰必逐若弟去否則當杖之因逡巡不敢入置
薪門外奔父墓哭泣焉夜四鼓姊夫婦潛出尋覓至墓所見暝
臥墓側身上雪盈寸許遂大痛正悲叙閒過客某聞之詢其情
况惻然曰吾貿易韓城可携往姊夫婦感謝卽令隨某客去嗣
後金材在陝習商生計漸裕年二十六歸家置薄田數十畝訂
婚鄭氏未娶前數十日遣人語鄭氏曰吾母以赤貧故不得已

改醮今所遇益窘孑然一身且雙目失明吾已迎歸奉養婦能
隨侍晨昏無閒言則婚否則已鄭氏如約母性暴急年已耄稍
拂意輟晝夜罵詈甚或箠楚之金材偕婦長跪請罪必得其歡
心乃已如是者幾三十年鄭氏體夫志委曲承順辛苦備至母
壽九十八以疾終天材在郿縣已娶妻生四子聞金材家計日
裕携室歸顧惑婦言日欲析產金材委家政於兄仍赴陝理舊
業不數年天材將田產蕩盡携妻子赴郿另居金材怡然順受
毫無怨懟時金材子步月已入庠食餼矣金材訓之曰汝能讀
書上進吾雖貧何憾道光壬午癸未步月聯捷成進士授戶部